

== U N D G I B U N S U N S A T Ä G L I C H B R O T ! ==

Eine Dialektsendung von und mit
Harry Harranth.

1 Sprecher.

Wenn möglich 1 Zitherspieler(in) sonst Bänder. Dauer: 30 - 35 Min.

Rotlicht: Musikalische Einleitung, darunter:

Sprecher: Schütz uns vor Hunger, Pest und Not
und gieb uns unser täglich Brot!

Winfried
Musik voll!

Sprecher: A Loabl Brot liegt auf'n Tisch ! (Harry Harrant)

A Loabl Brot, schö rund und frisch,
a Loabl Brot liegt auf'n Tisch.
Dö braune Rind'n duft' und lockt,
wia reife Öpfö, frisch o'brockt.
Drei Kreuzl moch i hintndro', - -
in Gottasnom' - hiatz schneid' i's o' !
Vü Plog war scho', bis aus dem Korn
da auf'n Tisch ös Brot is worn. -
Woß nöt, ob, wann i d' Sorg nöt hätt'
dö Gottasgob so schmöcka tät?
Schaut's enk's nur oamol a so o' -
und denkts wia i a wengl droh',
befor's n' Loab nehmts - und ös Mössa;
Leicht schmöckt a enk dös Brot dann bössa!

Musik:

Sprecher:

S' Ackan geht an.

Hans Reinthaler.

Loami rinnts üba d' Bruck,
D' Güb' laßt scho nah.
Greha steigt af da Ruck,
Taubn fliagn af's Dah.
D' Sunn bleangatzt af oamol
(und da Bodn dampft
(und da jung Hengst im Stoll
(wiehat und stampft.
Übaroll jogts ön Schnee,
D' Leitna wern braun.....
Manna richts d' Stifö he!
S' Ackan geht an'

Musik, oder Lied.....

Hintan Pfluag!

Harry Harrant.

Sprecher:

Furign ziachn
 Schicht um Schicht.
 Erdn riachn
 bol da Pfluag sö bricht!
 Einistemma hintnnoh
 in da Hergottsfruah,
 grad amol a "Wistahoh"
 schrei i n' Oxna zua!
 Sollt ma oana kenma,
 sagn, dös wa vü z'schwar,
 müat ma's Löbn nehma
 wann dös neama war
 Furign ziachn,
 Schicht für Schicht,
 Erdn riachn
 bol da Pfluag sö bricht!

Musik:..... *Reinthalers*

Gesang ban Troadbaun.

Hans Reinthaler.

Sprecher:

Olle Acka, in Gottsnam,
 schlückan hiatzt ön heurign Sam.
 Is ja scho da Schnee vadampft,
 d' Stiern ham zogn, habm tret und g'stampft.
 D' Pflüag habm grabm, d' broat Eggn hat g'schocht,
 hat für d' Kern a Böttal g'mocht.
 Da Händvoll, dort a Strah,
 habm ma's anbaut, keimans a.
 D' Sunn wird schein, da Regn fallt draf,
 junge Öhan stengan af.
 → Alle Acka, in Gottsnam,
 schlückan iatz ön Sam, ön Sam,
 daß ma's Brot heur wieda ham.

Musik:..... *Reinthalers*

Vor da Troadeant.

Josef Vinzenz Großbauer.

Wie a Betn rauschts ön Halman
 und a Wiagn is's leicht und lind.
 angsti schau i af zan Himmö
 und i bitt als wia a Kind:
Herr, halt's Troad ön Schutz und Gnod'n,
 gib eahm Sunnschei, Tau und Rögn!
Schütz vo Dürrn, und Schaur und Schodn,
 gib da Arbat Lohn und Sögn!
Herrgott loß zan Guatn wendn,
schütz vor Wuacha uns und Not!
 Laß's ön bravn, ehri^gng Händn.....
 Gib uns unsa täglich Brot!

Musik.....

S' Troadmandl.

Harry Harranth.

Sprecher:

Am Rand von mein Kornföld bin i g'lögn
 und han a weng g'rast' vo da Plog.....
 Af oamol, han i's Troadmandl g'sögn, -
 am höllichacht' brinnhoabn Mittag. - - -
 Da winkts ma min Finga, ganz hoamli und stad
 und tripöt vo meina in's Föld - - -
 und hinta dem Mandl, is ollas schö g'maht,
 is g'rechtlit und bund'n und g'stöllt.....
 War ollas so stad, han koa Sengsn nöt g'hört,
 koa Raschln vom follnadrn Troad, - -
 na da Sultl nöbn meina, hat g'löchatzet und g'röhrt
 und hot si am Bodn noh hi'broat.....
 Hiatzt leut' vo da Kira her d' Glockn Mittag, -
 ös Mandl bleibt lousada stehn, - - - -
 aft hör i ganz deutli da Wochtl iahrn Schlog, - -
 ... vom Mandl, war nix mehr zan sehgn.

Musik:.....

Sprecher: Jatz schnalln ma ön Ream un, / iatz bödna ma s' Traad, /
 Jatz müaßn ma raffn und rackern. /
 Jatz z'reißn ma d' Mandln, / sö toan üns nöt load,
 s' olt Bedlweib buckt sö ön Ackan. /
 Jatz krachn dö Spoachn / und d' Rössa dö ziagn,
 da Fahrtweg wird weißlat und staubat, /
 jatz segn ma oll damlong an Krautschübö fliagn,
brinnrot glanzn d' Beer aus'n Laubat. /
 Jatzt klopfm dö Trischln / und d' Wenkmühln dö rolln,
schwar riesln dö goldgelbn Körna. /
 Jatzt müaß ma ön Metzn van Stüblbodn holn
 und s' Troadkastngeh wieda lerna. /
 Jatzt lachn dö Baurn, / könnan d' Freud nöt vahaben, vahob'n.
stengan broat in da Tenn und toan strichöln. /
 Jatzt rauschts in da Ösn, / hochauf glangan d' Schwabn
 und feirad vorn Tor / hängan d' Sichöln. /
 Jatzt jugatzn d' Fuhrleut eah Hot und eah Hüh,
 eah Peitschn schnolzt laut üwa d' Hüwöln. /
 jatzt weist a niads Gloas af da Straß in a Mühl .
 (Fischer) Koa Rögn konns vawoschn, varüböln. /
 Jatzt mahn olle Mahlstoana / nahat und weit,
 jatzt fangans und beissns und pampfn. /
 Jatzt scharatzns, / scharatzns: Zeit is! Is Zeit!
 Und drahn sö / und brechöln und stampfn. /
 Jatzt hebt si da Nachtsturm, / da östbeudlat bol
 und braust üba Wipföln und Docha. /
 Jatzt tanzn bol d' Bladln, heijoh durö's Tol
 und broat üba d' Bruck rinnan d' Bocha. /

Aft kimmt dö groß G'friar/und ös daurt nimma long,
hängt da Nöbö so dick wia a Werö -
und iawölt am Spad hallt im Finstan a Klong,
als wötzat wer d' Sengst hintan Berö.

Musik:..... *Am Abnt. Zeit*

Auf da Leitn.

Harry Harrant.

Sprecher:

Liegt da Ocka da im Grobn
wo Summas g'fexnt hohn.
Gögn dö Leitn steigt a grod
sperr und nockat noch da Mohd.
Keman langsam d' Nöbö'n scho',
kühl wirts und da Hirbst höbt o';
Zeit wird's moan i, Zeit wirts grod,
richt' ma her für d' Wintasoot! -
Und so tropp' ma holt dahi' ,
vorn da Breunl, hintn i'.
Zeitli scho in olla Fruah
stenn i mi scho gögn an Pflua'.
Hinta d' Furign gehts tropp tropp,
Krahna kemman und da Rob';
suachn sö dö Würma z'amm,
daß's holt a was z'frösn ham.
+ S' Körndl is in d' Erd vassenkt,-
und dö Egg is drübag'schrenkt.
Hiatzta bitt i unsan Herrn:
Laß ma a ös Brot draus wern!
Gib, daß ma nöt oll dö Müah
z'niachta mocht dö Wintag'fria!
Loß n' Schweiß unsist nöt sei',
S' is d e i Ocka - und da mei'!

Musik:..... *Derin Bänk derb bange*

Sprecher: (unter Musik) Long is da Wög zan Loabl Brot,

Sprecher:

Long is da Wög zan Loabl Brot,

dös derf ma nia vagöss'n,

hiatzt loßt's enks schmöckn, / g'sögn enks Gott !

Und a dös onda Öss'n!

Musik voll auf und ausspielen.

Bayr. Pösch. UK 1539

Ende.

Für die Sendung wurden folgende Gedichte verwendet:

Hans Reinhaller: S' Ackern geht an, G'sang ban Troadbaun, Armdag'sang.

(Aus "Herz und Hoamat" Europ. Verlag Wien Leipzig.

Josef Vinzenz Großauer: Vor da Troadeant.

(Aus: "Korz und Bündi." Verl. Fidelis Steuer. Linz

Harry Harranth: Eingangspruch, Hintan Pfluag, S' Troadmandl, Auf da Leitn,

Abspruch. (Aus: "Mein Hiaslbauerbuach.") noch unverlegt.